

ՀԱՄԱՐԿ ԿԱՐԱԳՈՒԼՅԱՆ

ՀՐԱԶ ԶԱՐԴԱՐՅԱՆԻ ԳՐԱԴԱՏԱԿԱՆ ԷԶԵՐԸ

«Ընչալ մտանիկ մը սոսկ հանճարաբայանն
նախահայրերուս չարչարակոծ, արդարախիղն:
Հոն ուր մտեացայլը կկենդանտա, հոն ուր
կորստականը կերաշափոխվի անկորստականի:
Կխականդան երթամ ըմպել րաժական էլիփորին,
- դադրիլ տպրելն, ալ դառնալ տնվախոն»:

(Հր. Զարդարյան)

Գրական ասպարեզ իջնելով 20-րդ դարի 20-ական թթ., Հրաչ Զարդարյանը շարունակեց իր մեծ ուսուցիչների՝ արևմտահայ նշանավոր գրողներ Դանիել Վարուժանի, Սիամանթոյի, Ռուբեն Զարդարյանի ստեղծագործությունների լավագույն ավանդույթները: Նրանց մեան իր կաշուր տեսավ ժողովրդին ծառայելու մեջ, գրեց ժողովրդի համար, ժողովրդի մասին, գրեց մայրենի լեզվով՝ օտար լեզվով գրելը համարելով կամավոր ուժացում:

Հր. Զարդարյանին վիճակվեց գրել պատմական րարդ ու ծանր ժամանակներում: Նա գրական կյանք մտավ՝ լավ իմանալով սփյուռփախ գրականության դառն վիճակն ու ապագան: Մանավանդ որ Սփյուռքում նրա ապրած առաջին տարիներն արդեն անտարակուսելիորեն բերեցին մեծ վտանգի զգացման փաստը, և ինքն էլ դարձավ այդ վտանգը ահագնագողներից մեկը: Զարդարյանն իր ողջ գիտակցական կյանքը, իր անսպառ եռանդը նվիրաբերեց իր հարազատ ժողովրդի տարագիր հատվածին՝ սփյուռփախությանը, մաքառեց կյանքի հարուցած դժվարությունների դեմ, մաքառեց անդուլ, աննահանջ՝ միշտ բարձր պահելով մարդկային արժանապատվությունն ու հայ ժողովրդի ազգային հպարտության զգացումը, այլ խոսքով՝ դարձավ նրա պայքարի ու ընդվզման հրգիչը:

Հր. Զարդարյանը սփյուռփախ գրողների այն սերնդից է, որին բախտ է վիճակվել մասնակցելու սփյուռփախ գրականության կարևորագույն հատվածի՝ ֆրանսահայ գրականության ստեղծմանը: Հանրաեղակ Ռուբեն Զարդարյանի որդին՝ Հր. Զարդարյանը, հեղինակ է պատմվածքների, վեպերի, հուշագրությունների, գրադատական էջերի, հրապարակախոսական հոդվածների: Իր բեղուն գործունեությամբ նա հետապնդել է մի նպատակ՝ ամձնվիրաբար ծառայել իր ժողովրդին, անմասն նվիրվել հայապաշտաման սրբազան գործին, պայքարել ձուլման և ուժացման դեմ:

Դեռևս կենդանության օրոք բարձր է գնահատվել Զարդարյանի ստեղծագործությունը: Նրա գործերի մասին իրենց հիացումի ու գնահատանքի խոսքն են ասել Վահե Վահյանը, Ավետիս Ալիսանյանը, Մառի Աթմաճյանը, Մինոս Քեռեկյանը, Զարեհ Որբունին, Գրիգոր Պլեյանը և ուրիշներ: Այսպես օրինակ՝ 1964 թ. «Զվարթնոց» ամսագրում Զարդարյանի 50-ամյա գրական-հասարակական գործունեությանը նվիրված առաջին համախմբում իր մասին կարդում ենք.

«Սփյուռքի մեր գրականության մեջ, ինքնուրույն ու լիովին կազմուած գիծերով դեմք մըն է Հրաչ Զարդարյան»¹:

¹ Բ. Զարեհյանի անվան գրուկ. և արվեստի թանգարան, Հր. Զարդարյան ֆոնդ, 268:

իր գրական ժողովուրդային և հասարակական գործունեության արևմտահայ նշանավոր գրող Ռուբեն Զարդարյանի որդին լուսավոր գիծ է թողել սփյուռքահայ մշակութային պատմության մեջ:

Հրաչ Զարդարյանի ստեղծագործությունների մեջ իրենց ուրույն տեղն ունեն գրադատական էջերը:

Սփյուռքահայ գրականության մեջ լայն տարածում գտած կարոտի, նահանջի, ինքնակենսագրական վեպերին զուգընթաց ստեղծվում էին փիլիսոփայական, հոգեբանական, քարոյազդեական, նաև գրադատական էջեր: Գրական վառ իմացությամբ Ա. Չոպանյանը, Հ. Օշականը, Մ. Թեոլեոյանը, Գ. Պլյախանը, Հ. Զարդարյանը և դեռ շատ ուրիշներ իրենց գրադատական էջերով նպաստում էին սփյուռքահայ գրականագիտության ձևավորմանն ու հարստացմանը:

Գրական, հասարակական-հրապարակախոսական գործունեությանը զուգընթաց, Հր. Զարդարյանը գրադավում է նաև գրաքննադատությամբ, ուր իր մնայուն տեղն է գրավում «Ժամանակ և խորհուրդ» յուր «խորհրդածությունների շարքը» (1955 թ. և 1962 թ.): Սակայն սրանով չի սահմանափակվում գրողի գեղագիտական միտքը: Կան մի շարք գրադատական մտածումներ, որոնք դուրս են մնացել այս աշխատությունից և որպես առանձին գործեր լույս են տեսել սփյուռքահայ մամուլի տարբեր էջերում, ինչպես օրինակ՝ «Մտածումներ» (1960 թ., «Անդաստան»), «Գուպար խորհրդավոր» (1965 թ., «Անդաստան»), «Թոստոսեկի» (1952 թ., «Անդաստան»), «Մոռյալ փերեզակներ» (1978 թ., «Արահետ»), նաև կյանքի վերջին շրջանում գրած խորհրդածությունները:

Լինելով հայ և համաշխարհային գրականության ու արվեստի խոր գիտակ՝ իր գրադատական էջերում Հր. Զարդարյանը լուսավոր մտքեր է զարգացնում, ցույց տալիս գրականության խոշոր դերն ու նշանակությունը հասարակական կյանքում, նրա առաջ ծառացած արդիական պրոբլեմները և խնդիրները:

Գրողի գեղագիտական մտքերը հիմնականում համախմբվում են հետևյալ հարցերի շուրջ՝ գրական մեթոդների, արվեստի հարաբերությունը իրականության, գրականության բուն առարկայի, գրականության ժողովրդայնության, գրականության և արվեստի նշանակության, գրականության օգտակարության, կյանքում նաև դրական տեսնելու պահանջի, ձևի և բովանդակության փոխհարաբերության, արվեստի մեջ ինքնատիպության նշանակության, ռեի և այլ հարցերի շուրջ:

Ստեղծագործական բոլոր մեթոդների մեջ Հր. Զարդարյանը առավելությունը տալիս է ռեալիզմին (իրապաշտությանը), քանի որ իրապաշտական գրականության առջև միշտ ծառացել է իրականության համարձակ քննադատությամբ մարդկային առաջխաղացումին նպաստելու խնդիրը: Այդպիսի գրականությունը միշտ ձգտել է անձնակազմի ներկայացնել ամբողջ կյանքը՝ շեշտը դնելով մասնավորապես այն երևույթների վրա, որոնք խոչընդոտում են կյանքի հարթ ընթացքին: Գրականությունը, ըստ Զարդարյանի, չէր կարող իր դերը կատարել, եթե հեռանալ կյանքից, հեռանալ կյանքի նշմարողությունից, ամբողջությունը անխտիր ընդունելու պահանջից: Դրանիս վարուժանի նման նա ևս իրապաշտությունը համարում է «Գեղեցիկին հասնելու ամենեն ուղիղ գիծը»: Նա այն գրողներից է, որոնք ռեալիզմը չեն հեռացնում գրական մյուս դպրոցներից, ափսոսելով՝ գալիս է այն համոզման, որ այն իր մեջ ամփոփում է գրական բոլոր նախորդ դպրոցների (խոսք է չի վերաբերվում միայն նատուրալիզմին, որի հանդեպ միշտ բացասաբար է տրամադրված եղել գրողը) նվաճումները:

«Շիլլերի քարությունը, Չեխովի մարդկայնությունը, Թոլսթոյի կարեկցությունը, Անտուան Զիրանսի սկեպտիկությունը, Լոթիի վնաս տրամաբանությունը,

Տոսթուսկիի մարգարեականությունը, Հակերլոֆի ներողամտությունը՝ մեկ-մեկ գույնը, երանգը, մնայուն պաստուրը, հեթանոդը կկազմեն, որոնց մեջեն ցուցած՝

մարդկությունը ճշմարտության ավելի մեծ չափով մը դուրս կուգա»²։
Ինչպես երևում է ասածից, Հր. Ջարդարյանը առաջարկում է իր մեթոդը՝ իրապաշտության մեջ ներդաշնակած բոլոր մեթոդների միասնական ամբողջությունը։ Ի՞նչ ձևով, ի՞նչ ճանապարհով է գրողը փորձում հասնել դրան։

Հր. Ջարդարյանը բազմիցս է անդրադարձել գրական տարբեր դպրոցներին, գույց տվել դրանց հատկապես անկումային ուղղությունների թերությունները՝ հասարակական օգտակարության տեսանկյունից, բայց և չի ժխտել դրանց դրական, ռեսանսիվ կողմերը, որոնց միաձուլումով էլ փորձում է հասնել ամբողջության։

Այսպես՝ Ռ. Ջարդարյանի օրդին առաջարկում է անտեսել անկումային ուղղությունների թերությունները, ֆուտուրիզմից փորձում է հեռացնել աղմուկը, սիմվոլիզմից՝ ժողովրդին անհասանելի մթամածությունը։ Սա շատ հետաքրքրական միտ է և ճիշտ է բնութագրում հեղինակի զարգացման միտումը։

Միակ ուղղությունը, որ Ջարդարյանը չի ընդունում, նատուրալիզմն է. «Վասնզի իրականը «կյանքի շերտը» դեռ իրականություն չէ, գրում է նա, առավել նվազ՝ ճշմարտություն չէ։ Ճշգրտության չափազանցված մտահոգությունը կսահմանափակե՝ կմոռոկե, կխեղաթուրե ճշմարտությունը։ Իրապաշտությունը, բնապաշտությունը, այնպես, ինչպես Պյոպեռ, Մոփասսան, Ջուա կեղանալին, պարտադրեցին հակազեղարկեսական տարր ընդունելու»³։

Այստեղ է, որ գրողը սխալվում է։ Ընդունել իրապաշտությունը և շփման եզրեր չտեսնել նատուրալիզմի հետ, սխալ է։ Անընդունելի է նատուրալիզմի նկատմամբ ունեցած նրա թուր մեկնակետը, որն էլ հետագայում հիմք է հանդիսանում որոշ գրողների (Գր. Ջեռապ, Երուխան) ստեղծագործությունների ոչ ճիշտ գնահատմանը։ Ռեալիզմին տուրք տալը ուներ նաև մեկ այլ դրական կողմ, որն է՝ ազգային ձևի պահպանումը։ Արվեստը, Հր. Ջարդարյանի պատկերացմամբ, արտաքին ձև չէ, այլ էությունը, իմացական ոգին, ազգային մտածողության ամբողջ համակարգը։ Եվ դա այն ամենն է, որի պահպանումով հնարավոր է դառնում ազգային գրականության ինքնուրույնության պահպանումը։ Գրող-տեսաբանը առավել շատ ծանրացել է հենց այս խնդրին։

Ջարդարյանի ստեղծագործություններում ակներև են ազգային ոգին, մտածողությունը, անհանգստությունը, սփյուռմահայության ապագայի մտահոգությունը։ Նա համոզված է, որ ազգային ձևի պահպանումով, մանավանդ սփյուռմահայ գաղթաբախում, կարելի կլինի հասնել ազգային ինքնուրույնության։

Իսկ ինչ նպատակ է հետապնդում համամարդկային գաղափարը, որը գրողը միշտ ներկայացնում է ազգային ձևի հետ ներդաշնակ։ Հր. Ջարդարյանի իդձն է հայ գրականությունը տեսնել համաշխարհային գրականության ընդհանուր համակարգում։ Նա միանգամայն ճիշտ ձևով կարողանում է ցույց տալ դրան հասնելու ճանապարհը, որն է՝ գրականության մեջ համամարդկային գաղափարների արտացոլումը։ Ինչպես երևում է իր խորհրդածություններից, Ջարդարյանը համամարդկային գաղափարը ներկայացնում է ազգային ձևի հետ միասին։ Նա քաջ գիտակցում է, որ ազգային միջոցով է գրողը գնում դեպի համամարդկային արժեքների կերտում։ «Ինչպես արվեստագետին համար

² Հր. Ջարդարյան, «Ժամանակ և խորհուրդ յուր», Փարիզ, 1955 թ., էջ 116։

³ Նույն տեղում, էջ 116։

թանկագին, անգին արժեք մըն է՝ ըլլալ ազգային, այնպես ալ վնասին մեջ նույնքան թանկագին է անոր գաղափարի մը համամարդկային ըլլալը»⁴:

Այսպիսով՝ Հր. Զարդարյանը ազգայինն ու համամարդկայինը ձուլում է իրար, որն էլ համարում է ստեղծագործության մեջ արվեստի կատարելության հասնելու կարևոր նախապայման: Այս տեսակետով էլ նա բարձր է գնահատում Նարեկացուն. «Նարեկացու մեծությունը կրիի այս իսկ հանգամանքն է կեանքորվի — դարձյալ ազգային, պատմական հատկանիշ — միայն իրավունքներ հետապնդող, բոլոր ժամանակներու մարդկություն: Իր հոգիի հորիզոնն, ոչ իսկ ակնթարթ մը, կանհետացա անպարփակ շփեղանքը իտեալին, իտեալներուն ամենն մարդկայինը»⁵:

Զարդարյանն իր մտածումներում բազմիցս է անդրադառնում հայ գրականության, նամանավանդ արևմտահայ գրականության խնդիրներին ու պրոբլեմներին: Նա այն գրողներից է, որոնք սփյուռքահայ գրականությունը համարում են արևմտահայ գրականության շարունակական ընթացքը:

Լինելով գրող և գրականության տեսաբան, Հր. Զարդարյանին մտահոգում է հայ գրականության ապագան՝ վաղվա օրը: Ինչո՞ւ: Զարդարյանը մեկնաբանում է, որ արևմտահայ գրականությունը, տիրող աննպաստ ֆաղափական պայմանների ազդեցությամբ, անկման շրջան է ապրում և սա կարող է շարունակվել ու քայքայաբար ազդել գրականության վրա, եթե համապատասխան միջոցներ չձեռնարկվեն: Նա իր հոգվածներից մեկում այսպես է բնութագրում այդ վիճակը. «Հայ ժողովուրդը արմատախիլ, դարձավ աշխարհացրիվ: Հայ ժողովուրդը կորսնցուց հիմնական, նպաստավոր պայմանները, ավանդության պահպանումի իր որոնումների մեջ: Ու այդ բոլորը, որ բարոյական, գրական, գեղարվեստական կալվածներուն մեջ վերանորոգող մշտական ոգի էր, գոսափոխվեցավ կաշկանդումի, կայունության, բռնադատության, կուրության, շիլ մոլեռանդության, բյուզանդականության»⁶:

Նա գտնում է, որ ամմիթարական է հայ գրականության դրությունը: Սփյուռքահայ գրականությունը զարգանում է աննպաստ պայմաններում: Ողջ գրականությունը ողողված է ջարդի տեսարաններով: Գրողները ջարդին տեղյակ-անտեղյակ գրում են, որն էլ վրդովում է Զարդարյանին: Նա ոչ թե դեմ է ընդհանրապես ջարդերի գեղարվեստական պատկերմանը, այլ մտացածին պատկերներին, որոնք մարդկային հիվանդագին տրամադրություններ են արթնացնում, իսկ հենց այդ բանը գրականության զարգացման հեռանկարների տեսակետից անպայման խանգարիչ դեր է կատարում: Զարդարյանը փորձում է գրականությունը փրկել մանր գագամունքներից, հիվանդագին ապրումներից, երբեմն տիրապետող նատուրալիստական արտահայտություններից:

Ժողովուրդը, չնայած իրեն հասցված դաժան հալածանքներին, աշխատում է դարմանել ցավերը, գտնել ինքն իրեն ու իր կյանքը շարունակել, այնինչ գրականությունը, նամանավանդ արևմտահայ գրականությունը, որի նոր որակն է սփյուռքահայ գրականությունը, շարունակում է եինը, շարունակում է դափնել իր տեղում:

⁴ Նույն տեղում, էջ 211:

⁵ Հր. Զարդարյան, «Ժամանակ և խորհուրդ յուր», «Բագին», Բեյրութ, 1962 թ., էջ 4:

⁶ Հր. Զարդարյան, «Իմ ժխտումներս», «Բագին», Բեյրութ, 1984 թ., էջ 7:

Իսկ ո՞րն է այն միջոցը, որի շնորհիվ սփյուռփակ հայ գրականությունը պետք է դուրս գա այդ վիճակից: Ջարդարյանի խոր համոզմամբ, դա սկզբունքային ֆննդադատությունն է, որն անխնայորեն ջնջելու է «հրապարակախոսական թե գեղարվեստական դատումի գրականության մեջ հանձնաժողովի խառնակողմնական կալ թափեցնելը»՝ փոխարենը գեոհեղելով «խորհրդածություն մը արդյունք մտքի մանր ճիգի մը»⁷: «Գրականությունը այդ վիճակին դուրս բերելիս հետք միայն կարելի կըլլա մտածել անոր զարգացման մասին»⁸, - գրում է Հր. Ջարդարյանը: Նա գրականության զարգացման համար նշում է երկու նախապայման՝ առաջինը գրողի հասարակական կյանքը բազմակողմանիորեն նախաջելու և արտացոլելու կարողությունը, իսկ երկրորդը՝ գրական ազդեցությունը:

Գրողի կարծիքով, եթե որևէ մեկն ունի անուրանալի տաղանդ և փորձում է գրել, ապա նա ամենից առաջ պետք է բազմակողմանիորեն նախաջի կյանքը, մտքի լինի ժողովրդին, իր ներշնչման աղբյուրը դարձնի ժողովուրդը՝ առանց ազգային նեղ սահմանափակման, նրանցից վերցնի իր գրական նյութը: Այս ձևով միայն գրողը կարող է խոր հետք թողնել գրականության մեջ և մնալուն արժեքներ ստեղծել: Գրականությունը, ըստ Ջարդարյանի, պետք է ծառայի ժողովրդի կենսական շահերին, արձագանքի նրա կյանքի երատապ հարցերին, լինի նրա ապրումների, երազների, ձգտումների թարգմանը. «Գրականություն մը պիտի ծառայի ժողովրդին, անոնց կյանքին պիտի ֆաղվի: Գրականությունը մտքի զարդ չէ, գրողին ջղուտ մեկ երանգն է ան, անկե թխած ավիշը պիտի վերանորոգի միտքն ու հոգին»⁹:

Գրականության առարկայի և նրա դերի այսպիսի ըմբռնմանը Ջարդարյանը հավատարիմ մնաց իր ողջ գրական գործունեության ընթացքում: Այն վճռական նշանակություն ունեցավ ինչպես նրա մտեղծագործությունների, այնպես էլ գեղագիտական հայեցողության մեջ իրեն ելակետային դրույթ:

Շատ բան կարելի է ասել նրա գրադատական էջերի մասին, սակայն սահմանափակվեմք սրանցով: Ջարդարյանը զարգացրեց ու հարստացրեց սփյուռփակ հայ գրականագիտական միտքը, և սփյուռփակ հայ գրականագիտությունը շատ բանով երախտապարտ է նրան:

⁷ Ասրիճի Տատրյան, «Գրագետ Հր. Ջարդարյանի հետ», «Անահիտ», Փարիզ, 1988 թ., էջ 70:

⁸ Նույն տեղում, էջ 70:

⁹ Նույն տեղում, էջ 70: